

# Урдк яльч— —ода генерал

Ока Иванович

И. ОБЕРТАС,

запаст бӕӕх полковник

келгӧ

бӕӕв.

Городовиков, 1879 джилд, Теньгӕ медлин Сальск округин Платовск станицд, угатӕ хальмг-хазгин бӕлд тӧрсн болдж. Бичкн насна авн эн, хазг баячудт заргддж йовсмн. Сургъульд джилвтдг болв чигн сургъуль сурдг аргъ уга билӕ. Заргд-джасн эздӕдиннь кӕуӕдӕс букварь, дегтр сурдж авад, бичкн Ока бийнь эврӕн ноол-да бӕӕдж, невчк умшдг, бичдг дасв. Арвн йисн нас кӕртлӕн ӕмтнд заргдад, ӕзсн зовлнъ-гинь тоолад келхлӕ, чилшг олн.

1903 джил Ока цергӕ зерг-лӕнд дуудгдад, 14 армейск, Теньгӕ Негдгч дивизин 9-ч полкд орулгдсмн. Теньгӕ 9-ч полк Люблинск губерни Яново гидг балгӕснд зогс-джасмн. Хаана офицермӕд тал-дан келн-ӕмтсиг ягъдж дадж-рдж зовадг бӕӕсиг энӕнд Ока ӕздж, меддж авб. Хальмгудт тедн дурго билӕ. Казармд кедг хар кӧдлмш, сӕн ӧдрмӕ-длӕ нарядт зогслгӕн, зог кедж даджрлгӕн—эн тоот цугъар зӕрм хальмг салдстмудиг му-уднь кӕргдг бӕӕсн мӧн. Ока кесг дакдж эврӕннь Салин ӧргн теегӕн санад, цергӕс оргъад гархар седсн бийнь, хӧбткинь тоолад, тиим йовдл

гъдж альдарад одхв. Оргӕсн кӕуӕг хаана жандармс теегин агъу-ууд альдн чигн олхмн. Тиигӕд джисӕд, баахн хазг Ока зовлнъгд дасад болзган дуустл церглхӕр шиидв. Эн билгтӕ, эвтӕ, мӧрнӕ сургъульд гавшун цергч болдж гарв.

1904 джил Ока, Полковой командн йисн сара сургъулиг сӕӕнӕр тӧгсгӕд, багъ урядник болдж орулгдв. Тер цагла Российн кӧдлмшчнр олн газр-мудар бослгъ кедж йовцхала.

1905 джил ирв. Революцин дольган Польшин газрт кӕрв. Янов балгӕснд чигн кӧдлмш-чнр бослгъ кецхӕв. Хаана цергин офицермӕд болн жан-дармс революционермӕдиг ягъ-дж зовадж дӧрӕцӕлдгинь Ока энӕнд эврӕ нӕдӕрн ӕзв. Кӧдл-мшчнрин туст кесн теднӕ тиим буру йовдлмуд ӕзсн багъ урядник Ока Городови-ковд онъгстан тоолвр орад бӕӕв. Революцин туск тоолвр энӕнӕ толгъад эклдж ӕуӕдв. Болсн йовдлмудар сонъмсад, зӕрм кӧдлмшчнрлӕ эн таньлдв. Тиим йовдл кенӕ гисн ик зеткртӕ болсн бийнь, Ока рево-люционн ӕниг тӕуӕдн кӕрч меддж авхар шиидв. Тиигӕд джисӕлӕд, кӧдлмшчнр ююна тӧлӕ ноолдджахиг меддж

авад, энӕнӕ седкл-ухань кӧдл-мшчирт тустг болв.

1906 джил Ока Иванович ах урядник ям авад, ӕнн гол седклӕрн, шамдгъагъар церг-лсн тӧлӕдӕн, шултин болн йил-гӕн сӕӕнӕр бу хагъачнрин медальмӕдӕр ачлгдв.

1907 джилин январь сард Окан церглгӕнӕ болзгнъ тӧгсӕд, запаст гаргъгдад, эврӕннь бӕӕсн теньгӕ тегурн хӕрв. Кӕуӕнӕ газрт дӧрвн джилд церглснӕ хӧбн, тӧрсн станицурн хӕрдж ирӕд, ӧрӕл-дӕд элснд даргдсн эврӕннь му-герӕн Ока кесгтӕн хӕӕв. Ста-ницин уульнцар гурв дӕкдж гатлдж йовчкад, эврӕ эцкиннь герӕн ӕрӕн гидж олдж авб.

Ӕмтнд заргддж кӧдлмгӕн дакн шинӕс эклв. Гер-булнъ урдк кевтӕн ӕрӕ теткӕлтӕ бӕӕ-гӕд бӕӕв. Аш сӕуӕлднъ, 1909 джил, седкльн туссн кӧдлм-шлӕрн Ока харгъв. Цергӕс су-лддж ирсн хазгиг, Платовск станицин улс, баахн хазгуд сургългӕнӕ инструкторт сунъ-гъв. Ока дакн мӧрн деер довтлад, чавчад бӕӕв.

1914 джилин нег ӧдр, Ока Иванович станичн правленӕ ӧмн эврӕннь кӧвӕдӕн сургъ-джасн саамла, дӕӕнӕ туск зӕ-нъг генткн нисдж ирв. Ста-ниц кевтӕн, хаврин урсхл мет, буслад одв. Хазгуд дӕӕнӕ хаалгӕд бедрцхӕв. Тедниг ӕуӕдушлӕлдж гаргъх кем бол-лв. Ока Иванович бас дуудг-лад, Теньгӕ 43-ч полкд ору-

лгдв. Эн полк улл уга Орс-Австр хойрин меджӕгъур йо-вулгдв. Фронтд Ока Ивано-вич бийӕн ик сӕӕнӕр ӕзӕлдж, медулдж йовб. Энӕнӕ кесн героическ кесг ӕуӕдврмӕднъ георгиевск крестмӕдӕр болн кесг георгиевск медальмӕдӕр ачлгдв.

1916 джил Ока шавтад, Теньгӕ областур авч иргдв. Тууӕсн эдгснӕ хӧбн Теньгӕ хазгудин 39-ч сотнъ орулгдв. Эн сотнъ Теньгӕ областин Су-лин гидг станицд бӕӕгӕд, Пастуховск заводиг харджас-мн. Эврӕннь цергӕ даалгъв-ран куцӕхин эркт эн сотнӕ хазгуд заводин кӧдлмшчнрлӕ харгъцхадг бӕӕсн.

Революцин кӧндрлтин тӧр-мӕдиг цааранднъ цӕӕлгъдж меддж авн бӕӕдж, Ока Ива-нович, эн кӧдлмшчнр дундас бийдӕн нӕӕджнр олдж авб. Окаг ах урядникин ямта тӧлӕ-днъ сагла бӕӕсн бийнь, кӧдл-мшчнр энӕнд зӕрм тӧрмӕдиг цӕӕлгъдж ӧгцхӕдг бӕӕсн. Окала нег дархн харгъв. Эн дархн хӧбннь Окан ингнъ бол-дж гарв. Кӧдлмшч класс, бийӕн даджргч капиталистнр-лӕ ямаран ноолда кедж йов-хиг Ока Ивановичд тер дар-хн сӕӕнӕр цӕӕлгъдж меуӕлв. Дархна келснд орад Ока Ива-нович, Пастуховск заводин кӧдлмшчнрин хургт ордг бол-лв. Политическ тӧрмӕдиг улм-улм икӕр цӕӕлгъдж меддж бо-лад ирв. Энӕг иткцхӕдг болв.

Революционн организацин даалгъвриг Ока куцӕдг болад ирв. Ах урядник ода агитатор болдж гарв. Цергӕ газрмудар эн листовкс тархадг болв. Эврӕннь уурмӕд дундасн, рево-люционн кӧдлмшт орлцулдж болх улс меддж, олдж йил-гъдг болв. Сотнӕ хазгуд дунд эн ик кӕндтӕ болад, кесг да-кдж ик даалгъврт сунъгъдв.

1917 джилин февральск, революцин хӧбн, Новочер-касск балгӕснд болх, кӧдлм-шчнр, крестьянс, салдсмуд бо-лн хазгудин нӧкцсн олна съ-ездд Ока Иванович делегат болдж сунъгъдв.

Сотниг сулдхдж тӕвснӕ хӧбн Ока, Платовск станицурн хӕрв. Станицд энӕг байр-тагъар тосад, кӧдлмшчнрин, крестьянсн, салдсмудин бо-лн хазгудин депутатсин Советин членд сунъгъцхав. Советин членд бӕӕгӕ бӕӕдж, Ока Иванович революционн халь-мг сотнъ бурдӕв. Тер сотнъ, ӕр Семен Михайлович Буден-ный командлджасн Платовск партизанск отрядин тоод бур-ддж орв.

Областьд гражданск дӕн эклв. Генерал Поповин отряд-мӕд салин теегӕр гарад ирц-хӕв. Эн цагъачудин бандитнр станицс, кӕуӕтрмӕдур дӕврлгъ кегӕд, Советмӕдиг гарад кӧдлӕчнриг алад йовцхав.

(Цаарандкн дарук номерт).